



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **70/80-773-17/26**

Sarajevo, 16.07.2026. godine

Int. br. nabavke: **70-178-24/26**

Na osnovu člana 69. stav (3) i člana 70. stavovi (1),(4) i (6) Zakona o javnim nabavkama BiH (Službeni glasnik BiH, broj: 39/14, 59/22 i 50/24), i člana 47. Statuta Agencije za vodno područje rijeke Save, Sarajevo, donosim

ODLUKU

**o poništenju postupka javne nabavke usluga: "Izrada nove WEB prezentacije AVP Sava (sa trogodišnjim održavanjem) ",
Otvoreni postupak
Obavještenje o nabavci br .: 1132-1-2-44-3-71/26**

Član 1.

Poništava se postupak javne nabavke usluga: **"Izrada nove WEB prezentacije AVP Sava (sa trogodišnjim održavanjem) "**, zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

Član 2.

Za izvršenje ove odluke zadužuje se **Sektor za informacioni sistem voda** Agencije za vodno područje rijeke Save, Sarajevo.

Član 3.

Ova odluka će se objaviti na web-stranici www.voda.ba.

Obrazloženje

Odlukom o pokretanju postupka javne nabavke broj: 70/80-773-3/26 od 18.05.2026. godine, Agencija za vodno područje rijeke Save Sarajevo (u daljem tekstu: ugovorni organ) pokrenula je

otvoreni postupak javne nabavke usluga „Izrada nove WEB prezentacije AVP Sava (sa trogodišnjim održavanjem)“, JRJN oznaka 72000000-5, procijenjene vrijednosti 51.200,00 KM bez PDV-a. Obavještenje o nabavci broj: 1132-1-2-44-3-71/26 objavljeno je na Portalu javnih nabavki dana 15.6.2026. godine, zajedno sa tenderskom dokumentacijom broj: 70/80-773-4/26 (u daljem tekstu: TD). Do isteka roka za dostavu ponuda dana 7.7.2026. godine zaprimljeno je 8 (osam) ponuda. Prilikom faze pregleda i ocjene ponuda, utvrđeno je da tenderska dokumentacija ne sadrži Projektni zadatak „Izrada nove web prezentacije AVP Sava“ (verzija 3.0, maj 2026. godine), koji predstavlja tehničku specifikaciju predmeta nabavke i koji je, uslijed tehničke omaške prilikom pripreme i objave, izostavljen iz sadržaja TD.

Uvidom u sadržaj objavljene TD utvrđeno je da ista, u tački 4.1. (Opis predmeta javne nabavke), sadrži samo opšti opis ciljeva nabavke, dok Aneks 3 – Obrazac za cijenu ponude, označen kao tehnička specifikacija, u stavci 1. faze izrade web prezentacije navodi isključivo po nazivu (analiza i priprema, UX dizajn, vizuelni dizajn, razvoj, migracija, testiranje, obuka i produkcija), bez određenja njihovog sadržaja i obima. Objavljena TD ne sadrži nijedan mjerljiv i provjerljiv tehnički zahtjev sadržan u Projektnom zadatku, a naročito: minimalne karakteristike serverske infrastrukture (6 vCPU, 16 GB RAM, 400 GB prostora, neograničen saobraćaj), zahtjeve u pogledu performansi (vrijeme učitavanja stranice ispod 3 sekunde, godišnja dostupnost od najmanje 99,5%), sigurnosne zahtjeve (zaštita od uobičajenih web napada, obavezna dvofaktorska autentifikacija administratora, dnevni automatski backup sa zadržavanjem od 20 dana na fizički odvojenoj lokaciji), obavezu upravljanja DNS zonama domena voda.ba i vode.ba, zahtjev usklađenosti sa standardom pristupačnosti WCAG 2.1 AA, dvojezičnu podršku, obavezu testiranja opterećenja za najmanje 500 simultanih posjetilaca, kvantifikovani obim aktivnosti po fazama realizacije, kao ni listu obaveznih isporuka.

Članom 53. stav (1) Zakona o javnim nabavkama („Službeni glasnik BiH“, br. 39/14, 59/22 i 50/24, u daljem tekstu: Zakon) propisano je da je ugovorni organ dužan pripremiti tendersku dokumentaciju na način koji će omogućiti ponuđačima pripremu ponuda na stvarno konkurentskoj osnovi, dok je stavom (3) istog člana propisano da TD, između ostalog, obavezno sadrži tehničke specifikacije. Članom 54. Zakona propisano je da tehničke specifikacije moraju svim ponuđačima omogućiti jednak i nediskriminirajući pristup nadmetanju, te da moraju biti određene tako da jasno definišu predmet nabavke. Nadalje, članom 72. Zakona propisano je da se ugovor o javnoj nabavci, odnosno okvirni sporazum, zaključuje u skladu sa uslovima iz tenderske dokumentacije i izabranom ponudom.

Polazeći od navedenih odredbi, ugovorni organ je utvrdio da objavljena TD ne omogućava zakonito okončanje postupka izborom najpovoljnijeg ponuđača. Bez tehničke specifikacije sadržane u Projektnom zadatku, ponuđači nisu u mogućnosti sačiniti ponude na osnovu istovjetnog i potpunog opisa predmeta nabavke, uslijed čega zaprimljene ponude ne bi bile međusobno uporedive, a Komisija za javne nabavke ne bi raspolagala kriterijima za ocjenu tehničke usklađenosti ponuda sa zahtjevima ugovornog organa. Istovremeno, kako se okvirni sporazum u skladu sa članom 72. Zakona zaključuje isključivo na osnovu TD i izabrane ponude, zahtjevi iz Projektnog zadatka koji nisu sadržani u TD ne bi predstavljali ugovornu obavezu izabranog dobavljača, niti bi se mogli naknadno ugovoriti bez bitne izmjene uslova utvrđenih u postupku nabavke, što bi predmetnu nabavku učinilo nepodobnom za ostvarenje svrhe radi koje se provodi – a koja uključuje i funkcionisanje sistema kriznog izvještavanja o vodostajima u vanrednim hidrološkim stanjima, u skladu sa Federalnim operativnim planom odbrane od poplava. Kako je predmetni nedostatak utvrđen nakon objave obavještenja o nabavci i isteka roka za dostavu ponuda, te kako se u ovoj fazi postupka izmjena i dopuna tenderske dokumentacije više ne može izvršiti u skladu sa članom 53. Zakona, ugovorni organ je ocijenio da su ispunjeni uslovi za poništenje postupka iz člana 69. stav (3) Zakona, budući da se radi o dokazivom razlogu koji se nije mogao predvidjeti u vrijeme pokretanja postupka javne nabavke, a zbog kojeg postupak nije moguće zakonito okončati dodjelom ugovora. Nastavak postupka i dodjela ugovora na osnovu manjkave tenderske dokumentacije predstavljali bi povredu čl. 53. i 54. Zakona i izložili bi ugovorni organ riziku zaključenja ugovora koji ne osigurava izvršenje predmeta nabavke u skladu sa stvarnim potrebama ugovornog organa.

Ugovorni organ će, nakon pravosnažnosti ove odluke, ponovo pokrenuti postupak javne nabavke za isti predmet, uz tendersku dokumentaciju koja sadrži Projektni zadatak kao tehničku specifikaciju predmeta nabavke.

Imajući u vidu naprijed navedeno, primjenom člana 69. stav (3), a u vezi sa čl. 53. i 54. Zakona o javnim nabavkama, Komisija je predložila poništenje predmetnog postupka javne nabavke.

Na osnovu navedenog, a zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke, odlučeno je kao u dispozitivu.

PRAVNA POUKA:

Učesnik u postupku, koji nije zadovoljan ovom odlukom, može u roku od 10 (deset) dana od dana prijema ove odluke izjaviti žalbu zbog povrede odredaba Zakona o javnim nabavkama.

Žalba se podnosi u najmanje 3 primjerka Agenciji za vodno područje rijeke Save, Sarajevo. Žalilac je obavezan platiti naknadu za pokretanje žalbenog postupka u iznosu od 1.200,00 KM (član 108. stav (1) tačka b) Zakona o javnim nabavkama BiH).

- Akt izradio: [signature]

- Akt kontrolisao: [signature]

Dostaviti:

- Ponuđačima
- ☒ Sektor za pravne poslove
- Sektor za informacioni sistem voda
- a/a

DIREKTOR



[signature]
dr. sc. Senad Memić